

Izvještaj o radu Uprave policije MUP-a Kantona Sarajevo za mjesec juli 2018. godine

KRIMINALITET

OSNOVNI STATISTIČKI POKAZATELJI KRIMINALITETA

U mjesecu julu 2018. godine, na području Kantona Sarajevo registrovano je 320 krivičnih djela što je za četiri djela ili 1,2 % manje u odnosu na isti mjesec prethodne godine.

Od ukupnog broja registrovanih krivičnih djela, 165 ili 51,6 % izvršeno je od strane poznatih, a 155 ili 48,4 % od strane nepoznatih izvršilaca.

Za 50 djela ili 32,2 % od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 27 krivičnih djela iz izvještajnog, a 23 iz ranijeg perioda.

Iz naprijed navedenog proizilazi da su službenici Uprave policije MUP-a Kantona Sarajevo u mjesecu julu 2018. godine za ukupno 215 krivičnih djela ili 67,2 % identifikovali osumnjičene izvršioce, što je za 2,1 % veća rasvijetljenost u odnosu na isti mjesec prethodne godi

Zbog postojanja osnova sumnje da su počinili krivična djela prijavljeno je 217 lica (26 ili 13,6 % više), od čega je 98 povratnika (13 ili 11,7 % manje) u izvršenju krivičnih djela (ili 45,2 % od broja prijavljenih lica), 12 maloljetnika (četiri ili 50 % više), a 87 lica je lišeno slobode (dva ili 2,3 % više).

Pregled kriminaliteta na području Kantona Sarajevo u mjesecu julu 2018/17. godine posmatrano po glavama KZ FBiH-a i KZ BiH-a

KRIVIČNA DJELA PROTIV	juli 2018.	juli 2017.	uporedba		rasvj. juli 2018.	
			+/-	%	broj kd %	%
Protiv ustavnog poretka Federacije	0	1	-1	- 1	0	----
Protiv života i tijela	15	11	+4	+ 36,4 %	14	93,3 %
Protiv slobode i prava čovjeka i građanina	13	15	-2	- 13,3 %	12	92,3 %
Protiv spolne slobode i morala	1	0	+ 1	+ 1	1	100 %
Protiv braka, porodice i mladeži	22	22	----	-----	22	100 %
Protiv zdravlja ljudi	47	54	-7	- 13 %	47	100 %
Protiv privrede poslovanja i sigurnosti platnog prometa	1	0	+ 1	+ 1	1	100 %
Protiv imovine	164	180	-16	- 8,9 %	65	39,6 %
Protiv okoliša	1	0	+ 1	+ 1	1	100 %
Protiv opće sigurnosti ljudi i imovine	12	7	+ 5	+ 71,4 %	8	66,7 %
Protiv sigurnosti javnog prometa	15	5	+ 10	+ 200 %	15	100 %
Protiv pravosuđa	5	0	+ 5	+ 5	5	100 %
Protiv javnog reda i pravnog prometa	18	16	+ 2	+ 12,5 %	18	100 %
Protiv podmićivanja i krivična djela protiv službene i druge odgovorne funkcije	3	3	----	-----	3	100 %
Protiv privrede i jed.tržišta te kd iz oblasti carina(KZBiH)	0	2	-2	- 2	0	-----
ZONDINOIM-a - Zakon o nabavljanju, držanju i nošenju oružja i municije	3	8	-5	- 62,5 %	3	100 %
UKUPNO	320	324	-4	- 1,2 %	215	67,2 %

U odnosu na isti mjesec prethodne godine, zabilježeno je smanjenje broja registrovanih krivičnih djela za četiri ili 1,2 %. Najznačajnije smanjenje zabilježeno je u oblasti protiv imovine (za 16 djela ili 8,9 %) i zdravlja ljudi (za sedam ili 13 %), dok je povećanje evidentirano u oblasti krivičnih djela protiv sigurnosti javnog prometa (za 10 ili 200 %), opće sigurnosti ljudi i imovine (za pet ili 71,4 %), pravosuđa (za pet djela), života i tijela (za četiri ili 36,4 %), itd.

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom mjeseca jula 2018. godine u ovoj oblasti evidentirano je 15 krivičnih djela (četiri ili 36,4 % više) i to: ubistvo u pokušaju – jedno djelo (nije bilo djela u uporednom mjesecu), čedomorstvo – jedno djelo (nijedno), teška tjelesna ozljeda – četiri (dva manje), lahka tjelesna ozljeda – sedam (dva više) i učestvovanje u tuči – dva djela (nijedno).

Zbog postojanja osnova sumnje da su počinili navedena krivična djela, nadležnom tužilaštvu podneseni su službeni izvještaji protiv 19 lica, od kojih su tri povratnika ili 15,8 % a tri lica su lišena slobode.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 13 krivičnih djela (dva manje): 12 djela ugrožavanja sigurnosti iz člana 183 KZFBiH i jedno djelo narušavanja nepovredivosti doma iz člana 184 KZFBiH. Za izvršenje navedenih djela prijavljeno je 11 lica, od kojih je šest povratnika, a dva lica su lišena slobode. Krivična djela ugrožavanja sigurnosti počinjena su upućivanjem verbalnih prijetnji, pisanjem poruka prijetećeg sadržaja i slično.

KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirana su 22 djela protiv braka, porodice i mladeži (isto kao u uporednom mjesecu): nasilje u porodici – 20 djela, oduzimanje djeteta ili maloljetnika i izbjegavanje izdržavanje – po jedno djelo. Zbog postojanja osnova sumnje da su počinili ova djela prijavljena su 22 lica, od kojih je 12 povratnika, a 15 je lišeno slobode.

KRIVIČNA DJELA PROTIV ZDRAVLJA LJUDI

Prijavljeno je 47 krivičnih djela iz oblasti protiv zdravlja ljudi (sedam manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – tri,
- posjedovanje i omogućavanje uživanja opojnih droga (čl. 239. KZ FBiH) – 44 djela.

Zbog postojanja osnova sumnje da su počinili navedena djela podneseni su službeni izvještaji protiv 47 lica od kojih su 24 povratnika ili 51,1 %, a 25 lica je lišeno slobode.

PREGLED ODUZETE KOLIČINE OPOJNIH DROGA U MJESECU JULU 2018/17. GODINE

VRSTA OPOJNE DROGE	juli 2018. GODINE	juli 2017. GODINE
Marihuana (paketići)	33	35
Marihuana (u gramima)	75	---
Marihuana (JOINT - cigarete)	3	12
Heroin (paketići)	3	2
Hašiš (paketići)	1	---
Ecstasy (tablete)	---	6,5
Amfetamin (u gramima)	95	---
Amfetamin (paketići)	9	20
Kokain (paketići)	1	1
Canabis (stabljike)	1	----
pribor sa ostacima droge (kom.)	3	---

KRIVIČNA DJELA PROTIV IMOVINE

U izvještajnom mjesecu, registrovana su 164 krivična djela protiv imovine, što je za 16 djela ili 8,9 % manje u odnosu na isti mjesec prošle godine. Među djelima iz ove oblasti najbrojnije su: teške krađe – 83 djela (21 manje), zatim razbojništva – 30 (tri više), krađe – 27 (jedna više), teška krađa u pokušaju – sedam (pet više), oštećenje tuđe stvari – sedam (osam manje), itd.

Za ukupno 65 ovih djela ili 39,6 % identifikovan je osumnjičeni izvršilac što je za 1,5 % manje u odnosu na juli prethodne godine.

Kada su u pitanju teške krađe, prema objektu izvršenja najbrojniji su bili stambeni objekti – 43 (15 manje), zatim motorna vozila (otuđenja pmv i “provale” u ista) – 37 slučajeva (21 manje), poslovni objekti – osam puta (sedam manje), itd.

Na području Kantona Sarajevo u mjesecu julu ove godine izvršeno je 29 krivičnih djela teških krađa motornih vozila od čega je osam ili 27,6 % pronađeno i vraćeno vlasnicima (MUP KS vratio je vlasnicima dva motorna vozila, MUP RS-a – dva, PU Tuzla i PU Visoko – po jedno vozilo, dok su dva motorna vozila pronašli vlasnici).

Broj teških krađa motornih vozila, smanjen je za 15 ili 34,1 %.

Zbog postojanja osnova sumnje da su učestvovali u otuđenju motornih vozila nadležnom tužilaštvu podneseni su službeni izvještaji protiv tri lica.

Prijavljeno je 27 krivičnih djela krađe (jedno više), koja su izvršena sedam puta na ulici, pet puta u ugostiteljskim objektima, četiri puta u stambenim objektima, dva puta u automobilima, itd. Najčešće su otuđivani novčanici, mobiteli, auto dijelovi, el. i drugi alat, laptopi i slično.

U mjesecu julu 2018. godine, registrovano je 30 krivičnih djela razbojništva (tri više), od čega je za 11 djela ili 36,7 % identifikovan osumnjičeni izvršilac.

Razbojništva su evidentirana na području općina: Ilidža – devet (pet više), Centar – osam (jedno manje), Novo Sarajevo – šest (jedno manje), Novi Grad – pet (dva više), Hadžići – jedno (isto) i jedno djelo evidentirano od strane Uprave policije u sjedištu (isto), a dogodilo se na području općine Ilidža.

Razbojništva su izvršena prijetnjom upotrebe noža ili drugog oštrog predmeta – 12 puta, prijetnjom upotrebe vatrenog oružja – 11 puta, upotrebom fizičke snage – pet puta i prijetnjom palicom – dva puta, a počinjena su na ulici – 10 puta, u prodavnicama – devet puta, u sportskim kladionicama – četiri puta, na benzinskoj pumpi i u stubištu – po dva puta, itd. Otuđivan je novac, mobiteli, nakit, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 10 lica među kojima su četiri povratnika u činjenju krivičnih djela, a šest lica je lišeno slobode.

Evidentirano je osam krivičnih djela teških krađa na naročito opasan ili naročito drzak način (jedno manje), u kojima su izvršioc, upotrebom fizičke snage – sedam puta i prijetnjom napadom u jednom slučaju otimali nakit, novac i mobitele. Ova djela izvršena su na ulici – pet puta, dva puta u apoteci i jednom u prodavnici.

Za ukupno tri djela identifikovani su osumnjičeni izvršioc, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv dva lica koja su lišena slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 12 djela (pet više) i to: izazivanje opće opasnosti – šest djela, nesavjesno čuvanje pasa i drugih opasnih životinja – tri, teška krivična djela protiv opće sigurnosti ljudi i imovine, izazivanje opće opasnosti u pokušaju i izazivanje opće opasnosti u podstrekavanju – po jedno djelo. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv sedam lica, a jedno lice je lišeno slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 18 krivičnih djela (dva više) i to: nasilničko ponašanje –osam djela, napad na službenu osobu u vršenju poslova sigurnosti i nedozvoljeno držanje oružja ili eksplozivnih materija - po tri djela, krivotvorenje isprave i ovjeravanje neistinitog sadržaja – po dva djela.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 28 lica, od kojih je 12 povratnika ili 42,8 %, a 10 lica je lišeno slobode.

KRIVIČNA DJELA POČINJENA OD STRANE MALOLJETNIH IZVRŠILACA

U toku mjeseca jula 2018. godine, prijavljeno je 12 maloljetnih lica zbog postojanja osnova sumnje da su učestvovali u izvršenju devet krivičnih djela. U odnosu na isti mjesec prethodne godine, broj maloljetnih izvršilaca povećan je za četiri ili 50%, a broj krivičnih djela za čije izvršenje su prijavljeni maloljetnici povećan je za dva ili 28,6%.

Prema starosnoj strukturi, jedno maloljetno lice je u dobi do 14 godina, šest maloljetnika je u dobi od 14 do 16 godina, a pet su u dobi između 16 i 18 godina, dok je pet maloljetnika povratnika u izvršenju krivičnih djela.

Posmatrano po policijskim upravama, najveći broj službenih izvještaja koji su podneseni nadležnom tužilaštvu zbog krivičnih djela učinjenih od strane maloljetnih lica podnijeli su policijski službenici Treće policijske uprave - pet (tri za krivična djela nasilničko ponašanje, a za razbojništvo i lažno prijavljivanje po jedno djelo), zatim Sedme policijske uprave – tri (lahka tjelesna ozljeda, učestvovanje u tuči i nasilje u porodici – po jedno djelo) i Četvrte policijske uprave – jedan službeni izvještaj (posjedovanje i omogućavanje uživanja opojne droge) .

Struktura krivičnih djela izvršenih od strane maloljetnih lica u julu 2018/17. godine

Naziv krivičnog djela	juli 2018.	juli 2017.	+ - %
lahka tjelesna ozljeda	1	1	isto
učestvovanje u tuči	1		+1
ugrožavanje sigurnosti		1	-1
Nasilje u porodici	1		+1
posjed. i omogućav. uživanja op. droga	1	1	isto
razbojništvo	1		+1
pokušaj razbojništva		1	-1
lažno prijavljivanje	1		+1
teška krivična djela protiv sigurnosti javnog prometa		1	-1
nasilničko ponašanje	3	2	+1
UKUPNO	9	7	+2 ili 28,6%

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca jula 2018. godine evidentiran je jedan slučaj aktiviranja minsko-eksplozivnog sredstva (nije bilo u julu 2017. godine), usljed čega je nastupila materijalna šteta, oštećenja na fasadi kuće. Preduzimaju se aktivnosti na rasvjetljavanju ovog slučaja i pronalaženju učinioca.

U proteklom mjesecu nije bilo evidentiranih anonimnih dojava o postavljenoj eksplozivnoj napravi (kao ni u istom mjesecu 2017. godine).

POŽARI

Tokom mjeseca jula 2018. godine, na području Kantona Sarajevo registrovano je 14 požara (četiri više), koji su za posljedicu imali nastalu materijalnu štetu.

Prema statističkim pokazateljima, četiri požara su izazvana nehatom, tri zbog tehničkih nedostataka i sedam požara je prouzrokovano namjerno.

Zbog izazivanja požara, nadležnom tužilaštvu podnesena su tri službena izvješta iz člana 323. KZ FBiH-a (izazivanje opće opasnosti) i jedan iz člana 301. KZ FBiH-a (paljevina).

SAMOUBISTVA

U mjesecu julu 2018. godine, registrovano je pet samoubistava (jedno više), izvršenih na sljedeće načine: vješanjem i skakanjem sa visine – po dva puta i upotrebom vatrenog oružja – jednom.

Svi izvršioци su muškarci starosne dobi: 39, 43, 50, 54 i 73 godine.

JAVNI RED I MIR

U toku mjeseca jula 2018. godine zbog raznih oblika narušavanja javnog reda i mira izrečeno je 445 prekršajnih sankcija (naloga - 355, zahtjeva - 90), što je u odnosu na mjesec juli 2017. godine više za 69 ili 18,3%. Prekršajne sankcije preduzete su protiv 493 lica (68 ili 16% više).

Na prekršaje utvrđene Zakonom o prekršajima protiv javnog reda i mira odnosi se 388 ili 87,2% naloga i zahtjeva, a na prekršaje koji su utvrđeni Odlukom općinskih vijeća 57 ili 12,8%.

Od ukupnog broja prekršajnih sankcija, 56 ili 12,6% se odnosi na lica koja su i ranije činila prekršaje (povratnici), a pet na maloljetna lica.

Prema starosnoj strukturi lica protiv kojih su preduzete prekršajne sankcije, od 493 najbrojniji su oni starosne dobi preko 36 godina (291), zatim između 26 i 35 godina (117) i između 19 i 25 godina (80), dok je maloljetnih izvršilaca bilo pet.

Prema strukturi prekršaja, najveći broj prekršaja registrovano je zbog prekršaja koji su učinjeni prosjačenjem - 197 ili 44,3% od ukupnog broja, a znatno manje zbog naročito drskog ponašanja i tuča – po 44, te odbijanja naređenja i omalovažavanja policijskih službenika - 34. Zbog prekršaja učinjenih svadom, vikom i nepristojnim ponašanjem preduzeto je šest, a zbog ostalih prekršaja iz oblasti javnog reda i mira preduzete su 63 prekršajne sankcije. Prema odluci općinskih vijeća o javnom redu i miru registrovano je 57 prekršajnih sankcija.

Tabelarni pregled strukture prekršaja iz oblasti javnog reda i mira
za mjesec juli 2018/2017. godine

STRUKTURA PREKRŠAJA	JULI 2018.	JULI 2017.	+ - %
UKUPNO prekršajnih naloga i zahtjeva za ppp	445	376	+69 ili 18,3%
UKUPNO lica	493	425	+68 ili 16%
Prekršaji prema Zakonu o prekršajima protiv JRiM:	388	309	+79 ili 25,6%
-Tuča	44	44	isto
-Naročito drsko ponašanje	44	50	-6 ili 12%
-Odbijanje naređenja i omalovažavanje pol. služb.	34	28	+6 ili 21,4%
-Prosjačenje	197	127	+70 ili 55,1%
-Svađa, vika, nepristojno ponašanje	6	5	+1 ili 20%
-Ostali prekršaji	63	55	+8 ili 14,5%
Ukupno naloga/ zahtjeva prema Odluci o.v. o JRM	57	67	-10 ili 14,9%

U odnosu na isti mjesec prethodne godine, smanjen je broj prekršajnih sankcija nastalih zbog prekršaja naročito drskim ponašanjem i prekršaja koji su regulisani Odlukom općinskih vijeća, broj prekršaja nastalih tučom ostao isti kao i u julu 2017. godine, a u svim ostalim slučajevima taj broj je povećan.

Posmatrano po mjestu izvršenja, najveći broj prekršaja iz oblasti javnog reda i mira izvršen je na ulici i na drugim otvorenim prostorima - 419 ili 94,1% od ukupnog broja, a znatno manje u ugostiteljskim objektima – 13, u školama – tri i na ostalim mjestima - 10.

U odnosu na mjesec jula 2017. godine, povećan je broj prekršajnih sankcija zbog prekršaja izvršenih na ulici i drugim otvorenim prostorima, dok je na svim ostalim mjestima registrovano smanjenje broja izvršenih prekršaja.

Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, nije bilo teže povrijeđenih lica (kao ni u istom mjesecu 2017. godine), dok je lakše povrijeđeno 18 lica (dva ili 10% manje).

Na području Kantona Sarajevo u mjesecu jula 2018. godine održano je 189 javnih skupova (33 ili 14,9% manje u odnosu na jula 2017. godine). Policijski službenici su proveli planske aktivnosti na obezbjeđenju javnih skupova, a u 43 slučaja izvršeno je KDZ osiguranje.

Do narušavanja javnog reda i mira došlo je prilikom održavanja protesta, dana 26.07.2018. godine u ulici Obala Kulina Bana, općina Centar, kada su protestanti fizički napali novinara i fotoreportera koji su zadobili lakše tjelesne povrede. Zbog postojanja osnova sumnje da su počinili krivična djela nasilničko ponašanje i lahka tjelesna ozljeda, nadležnom tužilaštvu podnesen je službeni izvještaj protiv dva lica .Ostali javni skupovi protekli su bezbjedno.

SAOBRAĆAJ

Na području Kantona Sarajevo u mjesecu jula 2018. godine u odnosu na isti mjesec prethodne godine smanjen je ukupan broj saobraćajnih nezgoda i nezgoda sa materijalnom štetom, a povećan broj nezgoda sa nastradalim licima i broj povrijeđenih lica.

Registrovane su 822 saobraćajne nezgode (173 ili 17,4% manje u odnosu na jula prethodne godine), od čega je 746 sa materijalnom štetom (175 ili 19% manje) i 76 sa nastradalim licima (dva ili 2,7% više). U navedenim nezgodama nije bilo poginulih lica, 12 je teže, a 93 lica su lakše povrijeđena.

U naselju je registrovano 730 saobraćajnih nezgoda (70 sa povrijeđenim licima i 660 sa materijalnom štetom), a van naselja 92 nezgode (šest sa povrijeđenim licima i 86 sa materijalnom štetom).

Evidentirano je 105 saobraćajnih nezgoda na raskrscicama u naselju, 17 na raskrscicama van naselja, pet na pješačkim prelazima, jedna na prelazu preko željezničke pruge i 694 saobraćajne nezgode čije se karakteristike puta ubrajaju u kategoriju ostalih.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC JULI 2018/17. GODINA

	juli 2018.	juli 2017.	uporedba	
			+,-	%
UKUPAN BROJ SAOBRAĆAJNIH NEZGODA	822	995	-173	-17,4%
SAOBRAĆAJNE NEZGODE SA NASTRADALIM LICIMA	76	74	2	2,7%
SAOBRAĆAJNE NEZGODE SA MATERIJALNOM ŠTETOM	746	921	-175	-19%
POGINULO LICA	0	0	0	---
- vozači	0	0	0	---
- putnici	0	0	0	---
- pješaci	0	0	0	---
POVRIJEĐENO LICA	105	95	10	10,5%
- vozači	51	45	6	13,3%
- putnici	38	31	7	22,6%
- pješaci	16	19	-3	-15,8%

POSljedICE SAOBRAĆAJNIH NEZGODA

Tokom mjeseca jula 2018. godine, u saobraćajnim nezgodama na području Kantona Sarajevo nastradalo je ukupno 105 lica (10 ili 10,5% više).

TABELARNI PREGLED NASTRADALIH LICA (POGINULA, TEŠKO I LAKŠE POVRIJEĐENA) U SAOBRAĆAJNIM NEZGODAMA ZA MJESEC JULI 2018/17. GODINE

učesnici u saobraćaju	juli 2018. godine	juli 2017. godine	uporedba	
			+/-	%
vozači	51	45	6	13,3%
putnici	38	31	7	22,6%
pješaci	16	19	-3	-15,8%
UKUPNO	105	95	10	10,5%

Nije bilo poginulih lica (kao i u uporednom mjesecu), dok je 105 lica povrijeđeno (deset više), 12 teže (tri manje) i 93 lakše (13 više).

Kada je u pitanju stepen povreda, osam vozača je teže, a 43 lakše povrijeđena, dva putnika su teže, a 36 lakše povrijeđena, dok su dva pješaka teže, a 14 lakše povrijeđena.

Starosna struktura nastradalih osoba u saobraćajnim nezgodama je slijedeća:

- od 31 do 40 godina – 19 lica,
- od 25 do 30 godina – 19,
- od 21 do 24 godine – 17,
- od 41 do 50 godina – 15 lica, itd.

Starosna struktura nastradalih vozača u saobraćajnim nezgodama je slijedeća:

- od 18 do 23 godine – sedam lica,
- od 23 do 30 godina – 10,
- od 30 do 40 godine – 13,
- od 40 do 50 godina – 12,
- od 50 do 60 godina - četiri lica, itd.

Prema kategoriji i karakteristikama puta, najveći broj saobraćajnih nezgoda registrovan je:

- na ulicama u naselju – 635 nezgoda u kojima je 66 lica povrijeđeno,
- na magistralnim putevima – 60 (21 lice povrijeđeno),
- na lokalnim putevima – 54 (šest lica povrijeđeno),
- na regionalnim putevima – 54 (pet lica povrijeđeno),
- i na putevima koji se ubrajaju u kategoriju ostalih – 19 saobraćajnih nezgoda (sedam lica povrijeđeno).

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 697 (u kojima je 60 lica povrijeđeno, od čega 11 teže i 49 lakše),
- neprilagođena brzina - 120 (42 lica povrijeđeno, jedno teže i 41 lakše) i
- uticaj alkohola – pet nezgoda (tri lica lakše povrijeđena).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca jula 2018. godine, policijski službenici Uprave policije MUP-a Kantona Sarajevo kontrolisali su ukupno 20.548 vozila (33 više), 4.433 lica u vozilima (731 više), izvršen je pregled 183 vozila (33 manje) i 169 lica u tim vozilima (36 manje).

Zbog tehničke neispravnosti iz saobraćaja je isključeno 47 vozila (20 više), 266 vozača je zatečeno da upravljaju vozilom pod dejstvom alkohola (105 više), 402 bez korištenja sigurnosnog pojasa (19 manje), 132 bez položenog vozačkog ispita (47 više), 649 zatečeno u korištenju mobitela (309 više) i 165 vozača je učestvovalo u saobraćaju bez važeće registracije (dva manje).

Zbog kršenja propisa iz oblasti sigurnosti saobraćaja uručeno je 17.566 prekršajnih naloga vozačima (3.474 ili 24,6% više u odnosu na juli prošle godine) i podneseno devet zahtjeva za pokretanje prekršajnog postupka (23 ili 71,8% manje).

MIRUJUĆI SAOBRAĆAJ I KONTROLA PJEŠAKA

Policijski službenici Uprave policije MUP-a KS su i tokom mjeseca jula 2018. godine planirali i kontinuirano provodili aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 8.137 prekršajnih naloga (1.445 više), upozoreno je 415 vozača (81 više), a specijalnim vozilom "pauk" premješteno je 150 vozila (53 manje).

Takođe, pješacima koji su kršili saobraćajne propise odnosno nepropisno se kretali uručeno je 248 prekršajnih naloga (15 više), a upozorena su 63 pješaka (69 manje).

ZAKONITOST U RADU

Tokom mjeseca jula 2018. godine, registrovana su dva napada (jedan manje) na policijske službenike Uprave policije MUP-a KS. U napadu su učestvovala dva punoljetna lica koja su lišena slobode i uz službene izvještaje predata nadležnom tužilaštvu.

Policijski službenici su u pet slučajeva opravdano upotrijebili silu (dva više) i to fizičku snagu i sredstva za vezivanje (službene lisice) - četiri puta i fizičku snagu - jednom.

Tokom mjeseca jula 2018. godine, razmatrane su 23 predstavke na rad službenika policije. Nakon razmatranih predstavki Odbor za žalbe građana Skupštine Kantona Sarajevo donio je zaključak da se za sedam predstavki izvrše provjere i prikupi dokumentacija, za šest da se provede unutrašnja istraga, za tri da nema osnova za provođenje unutrašnje istrage i za sedam predstavki Odbor se oglasio nenadležnim.

Od ukupno 23 predstavke 18 je podneseno od strane građana, a pet predstavljaju saznanja u službi.

Okončano je 15 unutrašnjih istraga, među kojima su dvije osnovane, pet neosnovane, u četiri slučaja nije bilo dovoljno dokaza, a u četiri slučaja istraga je okončana odustankom od žalbe.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U mjesecu julu 2018. godine evidentirana su tri djela regulisanih ZONDINOiM-om (pet manje) počinjena od strane tri lica koja su lišena slobode.

U sklopu aktivnosti na oduzimanju nelegalno posjedovanog oružja i drugih predmeta oduzeto je: pet pištolja, dva „noža, mača, sablje i sl.“, jedna automatska puška, jedna lovačka puška i 60 komada municije .

U izvještajnom mjesecu fizičkim licima izdato je 68 odobrenja za nabavku vatrenog oružja (43 manje) i 97 oružnih listova (16 više).

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana, nevladinim organizacijama, socijalnim radnicima, javnim ustanovama i pravnim licima.

U sklopu projekta „Policija u zajednici“ preduzimane su, između ostalog, sljedeće aktivnosti:

- Policijski službenici Druge PU su održali radni sastanak sa predsjednikom Vijeća mladih i generalnim sekretarom općine Centar u cilju dogovora oko edukacije mladih kroz razne radionice čija bi realizacija trebala početi u novoj školskoj godini.
- Policijski službenici su aktivno radili na pojačanom obilasku parking prostora i mjesta gdje se događaju krivična djela, narušava javni red i mir i krše saobraćajni poripisi u većem obimu.
- U sklopu realizacije kampanje „BIHAMK“-a pod nazivom „Sigurno vezani u vozilu“ na platou ispred SCC-a je podijeljeno oko 500 letaka na navedenu temu.
- Nastavljene su aktivnosti na realizaciji projekta ICITAP-a „Uklanjanje grafita“.
- U vezi realizacije projekta „Jačanja tužilačkih kapaciteta u sistemu krivičnog pravosuđa BiH“ pod nazivom „Lopov uvijek bude otkriven“, nastavljene su aktivnosti kojima se između ostalog, nastoje implementirati programi s ciljem prevencije kriminala.
- Nastavljene su aktivnosti na provođenju kampanje „Neko te voli“, s ciljem smanjenja broja učesnika u saobraćaju koji koriste mobilne telefone.
- Policijski službenici su intenzivno saradivali sa Turističkom zajednicom općine Stari Grad, u vezi lične bezbjednosti turista kao i ostalih građana na području općine Stari Grad s akcentom na uže jezgro Bašćaršije.
- Policijski službenici su intenzivno obilazili objekte gdje dolazi do veće transakcije novca - banke, te radili na prikupljanju bezbjednosno interesantnih saznanja po pitanju krivičnih djela razbojništva, teših krađa motornih vozila, provalnih krađa u stanove i slično, a sve u cilju uspostavljanja sigurnijeg i kvalitetnijeg ambijenta življenja.

Sarajevo, 14.08.2018. godine

Odjeljenje za odnose sa javnošću

